

مجموعه آثار ابن خلدون

چاپ هر شهر عربی ابتدا سیاه اون بشده نشر اولوز (۱۰۰)

جلد ۵ - جزو ۵۰ [فی ۱۵ ذی الحجه سنه ۱۳۰۳] نسخہ می ۳ فروش

آمریقا غزته لرینک اخبار لری

آمریقا غزته لرینک استخبار وقایع ده کی سرعت و مهارت لری و بو اغورده اختیار ایتدکاری مصارف بزه گوره حقیقه شحیر عقول وصفیه تعریفه شایاندر .

وسط حالده تمثیلات یومیه سی اولان بر غزته نك موازنه سنویه سنه باقلسه یگر می بش اوتوز بیك لیرا مخار تخصیصاتی گوریلور . نیورق هرا لد و نیورق تریبون گبی تمثیلات یومیه لری ایکی یوز الی . اوج یوز بیك راده سنده اولان غزته لر سنوی مخابر لرینه یوزر ، یوز الیشر بیك لیرا صرف ایتمکده در .

مثلا نیورق هرا لد غزته سی مشهور استانیلی نی انگلیز سیاحی (له وینفستونی) تحری ایتک اوزره آمریقان وسطی آفریقایه اعزام و بو اغورده قرق بشیك لیرا بر مصرف اختیار ایش ایدی . ینه بو غزته بوندن ایکی سنه مقدم لوازم و مهماتی مکمل بر واپور دوناتهرق ارباب فنوندن بعض مدققینی ارکاب ایله قطب شمالیده کشفیات اجرا سنه گوندر مشدر .

بو همتار ، بو فدا کارلقلر ایسه شبهه یوقدر که جلب منفعت مقصدیه اجرا اولیور . شو قدر وار که بو یوزدن عالم انسانیت دخی او منفعتك مربعی نسبتده مستفید اولیور .

فرانسه - آلمانیا محاربه سی هنگامنده روسیا اردوسی نزدنده بولنان نیورق هرا لد غزته سی مخبری آلمانلرک سدان مظفریتی ، یعنی فرانسر اردوسنک ، ایمپراطور لرینک اسارتی منج اولان هزیمتی وقعه کرک برلیندن و کرک فرانسه دن استخبار اولغنه دن ایکی بچق ساعت اول تفصیلا آمریقایه اشعار ایتمش و او گون نیورق هرا لد طرفندن بر میایون بش یوز بیك عدد علاوه نشر ایدل مشدر .

مخبرك بويابده كي تدبیری ایسه حقیقه شایان استغراب مهارتلردن
معدودر: مخبر مومی ایه زردنده بولندی آلمانیا اردوسنك تدایر حریبه سیله
مقابله بولنان فرانسزلرك همان شاشرمش برحاله کی حرکتلردن خبرك
بای حال فرانسزلرك هزیمتیه ختام بوله جغنی حساب ایده رك طوغری
تلغرافخانه یه کیدر. و تلغراف مأمورینه برتورات نسخہ سی اعطا ایلہ « بونی
نیورق هرالد غزته سنه کشیده ایده جکسکز » دیر. تلغراف مأموری مخبرك
بوافاده سندن هیچ برشی آگلاماز؛ بلکه خبرك مجنون اولمسنه احتمال
ویره رك گولر. مخبر دیرکه « افندی بن مجنون دگلم نه دیدیگمی ده بیلورم.
پارہ سنی آلاماقدن طولانی شہہ ده بولنیورسہ کز ایشته سزه غیر محدود
براعتباری شامل اولان شو (چك) مجموعه سنی براقہ یم. یار بن صباحه قدر
بوکتابدن قاچ کله کشیده ایتش ایسه کز اومقدارك بدلی کنیدی الکترله
یازوب پارہ سنی بافتدن آکتر. بیورك اورمغه باشلايك! زیرا ضایع ایده چك
وقم یوق سزه امر ایدیورم. »

تلغراف مأموری بالضروره ایشہ باشلار. مخبرده اوردوگاهه عودتله
مشهوداتی ضبطه مبادرت ایلر. اقشامك ساعت برنده همزك معلومی اولدینی
اوزره سدان مخازبه سی ختامه ایرر. ناپولیون قلیچی تسلیم ایلہ عرض
اسارت ایلر. مخبرده تلغرافخانه یه شتابان اولور و درحال مأمورك یانه
کیدر که « افندی! عهد عتیقك هانکی سفینه گلدیگز ایسه اوراده
کسکزده شمدی عهد جدیدك وبره جگم سفرینی اورمغه باشلايكز. »
دیهرك صباحدن آقشامه قدر اك مکمل بر ارکان حرب ضابطنك تصویر
ایده سیله جگی قدر برمهاترله ضبط ایتش اولدینی حرکات حریبه یی منسوب
اولدینی غزته یه اخباره باشلار و کچه یارینندن درت ساعت صکرده قدر هیچ
برغزته و هیچ برمملکت نیورق هرالدن اول سدان وقعه سندن خبردار اوله ماز.
مخبرك گوندزدن توارقی اودیرمسنك احتمال که ارباب مطالعه جه
حکمتی آگلاشلامشدر. تلغرافخانه لرحه برقاعده واردرکه اوده برتل مخبره
خصوصیه نامنه اشغال اوغش ایسه او ایش بتجیه قدر آره یره شخص

اخرک مخبره سنی قائم مقدر، یعنی برینی بقرمه دن دیگرینک ایشنه باشلاما مقدر عبارتدر . بوقاعده هرالد مخبرنجه مجهول اولماسندن غوغانک ختامنه قدر الدہ برتل بولندیرمغه احتیاج کورمش و بنساء علیہ توراقی اوردیرمق تدبیرینه مراجعت ایلشدر . واقعا کرک تورادن و کرک تفصیل وقوعاندن طولانی اوگون مخبرک اعطا ایلدیگی تلغراف اجرتی قریش بیگ فراتقه یعنی ایکی بیگ ایکی یوز فرانسز لیراسنه بالغ اولمش ایسده مقابلنده نیورق هرالد غزته سی هم اوج یوز یتمش بش بیگ فراتق همده دنیاده برنجی غزته اولق شرفی فزانمشدر .

نفعینک بر فقره لطیفه سی

مراد رابعک ندما سندن شاعر مشهور صبری شا کر ایله نفی آرهنده فوق الغایه محبت وار ایدی . حتی نفی معاصری اولان شعرانک جمله سنی الگ دگر سز لرینه قدر هجو ایتمش ایکن الگ گزیده قصیده سنده بیله صبرینک بیله استشهاد ایتمش و هج بر شاعرک ولو بر مصراعنه اولسون نظیره سویله - مامش ایکن مشار الیهک قصیده رائیه سنی تنظیر ایلشدر .

اون برنجی عصر هجری رجال ادبندن راسخ بک مرحومک (بلغة الاحباب) اسمنده کی اثرنده گوریلان حکایاتندرکه :

« برگون صبری، نفی ایله مصاحبت ایدرکن سوزادبای عصره انتقال ایتمکه صبری، نوعی زاده عطائی ایله ویسی آرهنده نه فرق واردر دیه سؤال ایدر . نفی مرحومده شو جوانی ویرر .

« ویسی مجودانه برادا ایله عبدالله ! دیه اوشاغی چاغروب سن هرجهتله کمایه و فقط سایه عنایاتله پروایه سکت بناء علیہ بیشگاه نمت پناهمه قعود و بنی ادیم غمندن معمول و غبارازقه ایله رنگ ولونی مشابه تکلنوی خیول اولان ادیکلریمی فرط نرمه اخراجہ بذل مجهود ایله - دیر . دیگری ایسه برشیوه خیرانه ایله کوله سنه خطاب ایدرک - اولاد شو چدکاریمی چکر میسک دیه گردن قیرار ! ایسته ینلرنده کی فرق بوندن عبارتدر . »